



Quintá - A Grade (San Vicente) - Chantada, 1978

Informante: Concha Casal Eiriz “Concha do Casal”

Compilador: Miguel López Coira

Autores da recolla: Miguel López Coira e Xosé Figueroa

Transcrición: Paula González e Isabel Vigo

[Vinde] pastorciños, vinde,
vinde todos a adorar
o nacemento do Neno
como está mirando a Nai.

Este pobre Nacemento
do ceo debeu baixar
que na terra non se encontra
outra cousa por igual.

O emperador dos Reices
Señor de mundo e ceo
naceu ás doce da noite
nun probe alboio tan vello.

E as folerpiñas da neve
por entre as tellas caendo
aterecía de frío
o seu corpiño feiticeiro.

Que tan soio está cuberto
cunhas pallas de centeo
pois seus pais eran tan probes
que non tiña nin un lenzo.

Guiados por unha estrela
que alumía o firmamento
hasta o Portal de Belén
os Reices Magos correron.

A traer ao Dios meniño
ouro, mirra, prata, incenso
e postrándose de ainoxos(?)
alma e vida lle ofreceron.

E os pastores coma nada
diante a cuna se puxeron
cantando doce cantigas
que subían hasta o ceo.



De todas partes do mundo
homes, mulleres e nenos
quixeron ver o milagro
do bendito nacemento.

Todos os homes que por nós
van a buscar sofrimento
en esta noite de paz
de ledicia e de sosego.

Todos os veciños de Agrade
desde o fondo dos seus peitos
bendicen ao corazón
do Señor do universo.

Todos os fillos dos ricos
dormen en cunas douradas
(?) meniño
deitadiño nestas pallas.

Por eso os de San Vicente
habémoslle de traer
roupiña pra te vestir
e un rolo pra te mencer.

Que viva a nosa Naiciña
e tamén o San Xosé
e que viva o Nacemento
xa que tan bonito é.